



গণপ্রজাতন্ত্রী বাংলাদেশ সরকার
স্থানীয় সরকার পল্লী উন্নয়ন ও সমবায় মন্ত্রণালয়
জেলা সমবায় কার্যালয়, বরিশাল

বঙ্গবন্ধুর দর্শন, সমবায় উন্নয়ন

www.cooperative.barisal.gov.bd

সভাপতি	প্রশান্ত কুমার ব্যানার্জী জেলা সমবায় অফিসার
সভার তারিখ	২৬/১১/২০২৩ খ্রি.
সভার সময়	সকাল ১০ টা
স্থান	জেলা সমবায় কার্যালয়, বরিশাল।
উপস্থিতি	পরিশিষ্ট ক

সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। মাননীয় প্রধানমন্ত্রী ঘোষিত ডিজিটাল বাংলাদেশ বাস্তবায়নের ফলে দেশের সকল পর্যায়ের জনগণ এর সুফল ভোগ করছে। এরই ধারাবাহিকতায় মাননীয় প্রধানমন্ত্রী কর্তৃক ঘোষিত ২০৪১ সালে “স্মার্ট বাংলাদেশ” এবং সুখী সমৃদ্ধ উন্নত সোনার বাংলা বিনির্মাণে সকলকে আন্তরিকতার সাথে কাজ করার আহ্বান জানান। অতঃপর উপ-সহকারী নিবন্ধক, জেলা সমবায় কার্যালয়, বরিশাল “স্মার্ট বাংলাদেশ” বিষয়ক ধারণাপত্র পাওয়ার পয়েন্ট প্রেজেন্টেশন উপস্থাপন করেন। মাননীয় প্রধানমন্ত্রী ২০০৮ সালে ডিজিটাল বাংলাদেশ বিনির্মাণের ঘোষণা দেন এবং ২০২১ সালের মধ্যে সেই লক্ষ্যপূরণ করেন। ডিজিটাল বাংলাদেশ-এর ভিত্তিতে দাঁড়িয়ে এবার মাননীয় প্রধানমন্ত্রী ২০৪১ সালের মধ্যে স্মার্ট বাংলাদেশ গড়ে তোলার ঘোষণা দিয়েছেন। এই স্মার্ট বাংলাদেশ-এর ৪টি স্তম্ভ নির্ধারণ করা হয়েছে। এগুলো হলো:- স্মার্ট সিটিজেন, স্মার্ট ইকোনমি, স্মার্ট গভর্নমেন্ট এবং স্মার্ট সোসাইটি। সভাপতি স্মার্ট জেলা ও উপজেলা সমবায় কার্যালয় সমূহ এবং এর আওতাধীন নিবন্ধিত সমবায় সমিতি বিনির্মাণের লক্ষ্যে আইডিয়া প্রদানের জন্য উপস্থিত সকলের নিকট অনুরোধ করেন।

১। উপজেলা সমবায় অফিসার, বরিশাল সদর, বরিশাল সভায় বলেন, প্রতিটি সমবায় সমিতিতে নারী ও পুরুষ উদ্যোক্তা থাকা প্রয়োজন, কিন্তু অনেক সমবায় সমিতিতে তা নেই। স্মার্ট বাংলাদেশ বিনির্মাণে উদ্যোক্তাদের ভূমিকা অপরিসীম, তাই প্রতিটি সমবায় সমিতিতে উদ্যোক্তা সৃষ্টি নিশ্চিত করতে হবে।

২। উপজেলা সমবায় অফিসার, হিজলা, বরিশাল সভায় বলেন, স্মার্ট বাংলাদেশ বিনির্মাণে স্মার্ট কৃষির গুরুত্ব অনেক। কৃষি পণ্য উৎপাদনকারী সমবায় সমিতির কৃষকদের আরও আধুনিকায়ন করতে হবে। কৃষি পণ্য উৎপাদনকারী সমবায় সমিতির কৃষকদের স্ব স্ব উপজেলা কৃষি অফিসের মাধ্যমে আধুনিক কৃষির উপর প্রশিক্ষণের ব্যবস্থা করতে হবে।


৩। উপজেলা সমবায় অফিসার, বাবুগঞ্জ, বরিশাল সভায় বলেন, স্মার্ট বাংলাদেশ রোডম্যাপ এ ৪ টি স্তম্ভ :- স্মার্ট সিটিজেন, স্মার্ট ইকোনমি, স্মার্ট গভর্নমেন্ট এবং স্মার্ট সোসাইটি এর সাথে সংশ্লিষ্ট দক্ষ জনবল তৈরির লক্ষ্যে সমবায় সমিতির শিক্ষিত সদস্যদের ফ্রিল্যান্সিং প্রশিক্ষণের আয়োজন করার জন্য উর্ধ্বতন কর্তৃপক্ষের নিকট সুপারিশ করতে হবে। সমবায় সমিতির শিক্ষিত সদস্যদের ফ্রিল্যান্সিং প্রশিক্ষণ প্রদান করা হলে বৈদেশিক মুদ্রা অর্জন করা সম্ভব। যা স্মার্ট বাংলাদেশ বিনির্মাণের ৪ টি স্তম্ভের স্মার্ট ইকোনমি অর্জন করা সম্ভব হবে।

স্মার্ট বাংলাদেশ বিনির্মাণ বিষয়ক ১ম সভায় নিম্নলিখিত সিদ্ধান্তসমূহ গৃহীত হয়:

সিদ্ধান্ত ০১: স্মার্ট বাংলাদেশ বিনির্মাণের জন্য সমবায় সমিতির নারী ও পুরুষ সদস্যদের বিভিন্ন ট্রেডে প্রশিক্ষণের মাধ্যমে উদ্যোক্তা সৃষ্টির সিদ্ধান্ত গৃহীত হয়।

সিদ্ধান্ত ০২: স্মার্ট বাংলাদেশ বিনির্মাণের জন্য কৃষি পণ্য উৎপাদনকারী সমবায় সমিতির কৃষক সদস্যদের আধুনিক কৃষির উপর ধারণা প্রদানের সিদ্ধান্ত গৃহীত হয়।

পরিশেষে স্মার্ট সমবায় বাস্তবায়নে সকলের সহযোগিতা কামনা করে উপস্থিত সকলকে ধন্যবাদ জানিয়ে স্মার্ট বাংলাদেশ বিনির্মাণের সভার সমাপ্তি ঘোষণা করা হয়।




১২-১২-২০২৩
প্রশান্ত কুমার ব্যানার্জী
জেলা সমবায় অফিসার

নম্বর: ৪৭.৬১.০৬০০.০০০.০৫.০০১.২১.১৬৪৮

২৭ অগ্রহায়ণ ১৪৩০ বঙ্গাব্দ
তারিখ: ১২ ডিসেম্বর ২০২৩ খ্রিস্টাব্দ

বিতরণ :

১। যুগ্ম-নিবন্ধক, বিভাগীয় সমবায় কার্যালয়, বরিশাল।



১২-১২-২০২৩
প্রশান্ত কুমার ব্যানার্জী
জেলা সমবায় অফিসার